

COLLOQ. XIV.

Familiare colloquium. Scholastici ornamenti. DEUS adjutor studiorum.

PUBLICUS. BONIFACIUS.

Unde veniebas modò? Bon. E culinâ. Publ.
Quid illic iveras? Bon. Ut me calefacerem.
 P. Tu, credo, libentiùs es in culina, qvàm in
 schola. Nonne? Bon. Nihil mirum: In schola
 non est ignis, sicut in culina. Publ. Abi: sapis. Bon.
 Utinam tám saperem in divinis rebus, qvàm in
 cura corporis. Publ. Fac, sapias. Bonif. Qvo-
 modo? Publ. Studio, curâ, labore, diligentia.
 Bonif. Non parco labori. Publ. Reciè facis: sed
 est tempus expectandum, cuius progressu fiunt
 omnia. Intereà precandus est Deus assidue. Bon.
 Benè mones: utinam ille studia nostra promo-
 veat in gloriam sui nominis. Publ. Id faciet, si-
 pergamus eum colere diligenter.

COLLOQ. XV.

*Commeatio à Schola domum freqvens
 noxia, Præceptoris voluntas optima.*

PETRUS.CORNELIUS.

Quid tecum cogitas, Cornelius? Corn. Liben-
 ter irem domum. Pet. Qvideò? Cornelius.
 Ut me in his diebus parumper recrearem cum
 matre. Pet. Quid obstat, quo minus eas? Cornelius.
 Præceptor non vult permettere. Pet. Melius ti-
 bi

